


KANGI IFISÌGE FYĀBO

FILINKWĪGÙKA KANGI ABĒNE

BALINKUMMAN YA UMWĒNE

 Mu Nongwainunu ya Mwikemo Luka, kangi ukwanda nu ntu gwa 24 kangi malongo-matatu- . . . ilinandi lya 31, pamo une nisakuyoba ilinandi lya 30 ilya ntu gwa 24.

Kangi ukwēne kulinkwisa ukuyako, bo umwēne ālitūgēsye ku fyākūlya na bēne, kangi umwēne alinkwēga u nkati, nu kugusaya ugwēne, nu kukonyolania ugwēne, kangi alinkupa ku bēne.

Kangi ifisige fyābo filinkwīguka, kangi abēne balinkumman ya umwēne; kangi umwene alinkuyonga ukufuma pa maso gabo.

Kangi abene balinkuyoba yumo ku nnine, Ngimba indumbula syitu sikākāga nkati mmyitu, akabalilo kōsa umwēne āyobāga na uswe ukwisila mu, njila, kangi bo umwene īgulāga kwa uswe a masimbo?

² Kangi u Ntwa ali ongelelaga ulusayo Lwake. Ilisimbo lyangu libagile ukuya, linga une mbagile ukukikolela ikylene ikilo iki: *Kangi Ifisige Fyābo Filinkwīguka Kangi Abēne Balinkumman ya Umwēne*. Lilino ukwēne kupile, lōli une ngunyonywa umwe mwābagile ukwīkasya itolo bo nubufīndang’oma bo umwe mubagile, kuli itolo utubalilo tunīni, kangi une ngwisakugela ukubopela. Loli lilino uswe tukulonda ukukéta nubusisya ku Lisyu, i Lisyu lya Kyala iliswigisye. Kangi uswe tukusuma ukuti Kyala, mu njila yimo, isakwigula amaso gitu ikilo iki.

³ Linga Paasa yo lusekelo lwa kyakubōmbīgwa kyasyāmbukulu, kangi ikyo pakyēne, polelo uswe tuli ni nongwa innīni ukwīlāmwa, uswe tuli ni nōngwa innīni ukulālūsya, panongwa yakuti ikyēne āngāli kikulekigwa pa līnogōno ilisisya lya itolo ukwēga i lisyu lila. Kangi linga Kristi akātēndīke ifingo isi Umwene ābōmbīle, polelo uswe āngāli nūswe, itolo angali tukaya nu buketi ubu uswe tuli nabo.

⁴ Loli u Ntwa gwītu unsayigwa āyobīle, akabalilo kākō Umwēne āli apa pa kīsu, “Akabalilo kanini, kangi ikīsu kisakumbona Une kangi mma.” Lilino i lisyu lila *kīsu* pala, likufumila ku “ulubātiko lwa kīsu, abāndu ba kīsu kypāsi.” “Ikisu kisakumbona Une kangi mma. Palema umwe mwisakumbonaga Une, kabuno Une ngwisakuyaga na umwe, mope nkati mmyinu, ku bumalikisyo bwa kisu.” Lilino, a

Masyu ago go itolo gabwanaloli bo ga Masyu agangi aga uswe tuyobilepo mu ndungu ugu, ukufuma mwi Bangeli, itolo ukuya gabwanaloli bo ga Masyu agangi mwi Bangeli. “Nkabalilo kanini, kangu ikisu kisakumbona Une kangu mma. Abene batisakuyamo siku na maso gabo ukwígúka.” Balipo abāndu aba bapāpígwe nkísu, komma ukwisila mu bwígáne bwa Kyala, lóli ukwísila mu lusalo lwābo lwēne ulwābwími bakabagila ukwítika Umwēne linga Umwēne ālímile papapa apa ikuyoba kwa umwe ikilo iki. Ikyēne kyākusulumanisa ukuyoba, lóli i Libangeli lyāyobile ukuti, “Abene bapapigwe nkisu iki, ku butobesigwe ubu,” Yuda, kangu kifuki ilinandi lya 3.

⁵ Lilino, loli kwa umwe, ikilo iki, mwe bābo bikwisa panja kangu bimile ukusyungutula nkyumba, kangu mukwísōnda palikimo mu kiyūmba ikinini bo iki, umwe nasiku mukwisa itolo ukukétigwa. Umwe mukwisa kuli inōngwa yimo. Kangu, mminogono gangu, ugwe gwisile nu bwanaloli-ndumbula bwa ndumbula yako, kuli ubwēndo bwakifukiko na Kyala, ukusōkāpo ukufuma kuno, ikilo iki, u mūndu unnunupo ukukinda ugwe gwāli akabalilo kāko ugwe kwisa nkati. Ikyo kyo iki une nipūtīle mumo une nālingile pa kifigo kila, ikilo iki, “Ntwa, ndēndēka une u mūndu unnunupo akabalilo kāko une ngusōka pānja, ikilo iki, ukukinda mūmo une ngubūkila nkati.” Lilino akabalilo kāko Umwēne. . .

⁶ Bo kukáli ukusōkāpo Kwake, Umwēne apelile uluko lwa fiyobelo ifi. Umwene alinkuti, “Umwene uyu ikwitika mwa Une. . .” Mwikemo Yohani, untu gwa 14, ilinandi lya 7. “Umwene uyu ikwitika mwa Une, imbombo isi Une ngubomba isakubombaga yope; ukukinda isi isakubombaga umwene, kabuno une ngubuka kwa Tata Gwangu. Une ngubuka, nu kwisa kangu.”

⁷ Lilino uswe twisakukyaga imbombo isi Umwene aabombile. Imbombo isi Umwēne ābōmbīle? Umwēne akāliyōbile ukuya mūndu unkulumba, Umwēne āli itolo Nnyāmbála ugwakwīyísyā. Umwēne akāyobile nu buyobelo bwapamwanya bulibōsa, Umwēne itolo āyobile bo Mūndu gwamwālwe. Umwēne itūgalāga pakati pa balōndo, “abakāmbwe bali ni mbako, kangu injuni sili ni fifūmbwa, lóli Umwēne akālinabo u buyo ukulāmbalika untu Gwāke.” Umwēne āli nu mwēnda gumogwene, ugu gwāpēgígwe ku Mwēne, “ugwēne gwālukígwe mōsa, kisita lusono mu gwēne.”

⁸ Iyo yo nōngwa abēne bālagusyāga kuli ugwēne. Nongwa ya fiki kyāli kila? Panongwa yakuti ubusololi bwa Lwitikano Ulukūlu bwafīmibilisigwāga ukufwanikisigwa, “Abēne bayabene imyēnda Gyāngu, bikukoma amanjele panongwa ya nselekesye Gwangu.” Popāpo abēne balinkutoligwa ukuyabania ugwēne ukwísila mu lusono, abēne balinkufīmibilisigwa ukulagusya kuli ugwēne, kangu ikyo kyāli kyākufwanikisya ubusololi bwa Lwitikano Ulukūlu.

9 Lōli uswe twisakukētésya, nkabalilo kanini itolo, ngimba Umwēne ābōmbíle fiki? Kangi une ngwitika, ikilo iki, ikylene kyo njala ya yiliyosa ya ndumbula syitu, ukufuma ku nnini-fiyo ukufika mpaka nkusi-fiyo, ikilo iki, ukumbona Yeso Kristi. Ikyēne kyo kinyonywo kya ndumbula yangu. Kangi nongwa ya fiki ikyēne? Linga uswe tukwiyobela mu Masimbo...

10 Abaredio bikulātīla ikyēne umwīsyūgu, a batelevision bikubika pa mbātiko, ingino yābīkigwe ukuti “Umwene akaya apa, loli Umwene asyukile!”

11 Ena, polelo, linga Umwene asyukile, ili Bangeli liyobile, mu Bahiburi 13:8, “Umwene yo yuyo mmayolo, umusyugu, na bwilanabwila.” Lilino, apa po pāpo ikyēne kili, bāndu. Ikyo kyo pamo Bwānalōli, pamo ikyēne kikaya Bwānalōli. Ikyo, linga ikyo kikaya Bwanaloli, polelo i Libangeli lyo lisyobi, kangi polelo a Masyu matungulu; kangi polelo uswe tuyōngīle, kangi bukayapo nabumo ubusyūke bwa bafwe, kangi uswe tukupela itolo ukwitika. Loli linga ikylene kyo Bwanaloli, polelo Ikyene kikufimbilisigwa ukusisimikisya Kyene.

12 Linga ugwe kuyoba amīsi aga go mabūndāle, une ngagabonamo siku amīsi pabutasi, ugwe onelēla agēne pa une, kangi agēne gakaya mabūndāle, polelo agāko—agāko amasyo go gakaya-gānalōli, loli linga ugwe konelela ikylene pa une, kangi ikylene kyo kitime, polelo a masyu gako gabwanaloli.

13 Linga Kristi yo yuyo mmayolo, umwisyugu, na bwilanabwila, polelo i Bangeli lyo lyabwanaloli. Linga Umwene akaya yo yuyo mmayolo, umusyugu, na bwilanabwila, polelo Ilyene likaya lyabwanaloli. Linga a Masyu ga Kyala gakaya gabwanaloli, polelo Kristi akaya gwabwanaloli. Polelo, linga a Masyu ga Kyala gakābwanaloli, Kyala akaya gwabwanaloli. Lōli, polelo, linga i Līsyu lya Kyala lyo lyābwanaloli, polelo i Bāngéli lyo lyābwanaloli, Kyala yo gwabwanaloli, Kristi yo gwabwanaloli, kangi uswe tukufimbilisigwa ukuya babwanaloli ku Nongwa. Kutalusya!

14 Lilino, akabalilo kāko Umwēne āli pa kīsu, Umwēne akāliyōbile ukuya mbumbulusi aligwēsa unkulumba. Balinga bamenye u Mwanundumiana gwa Kyala akāliyōbilémo siku ukuya mbumbulusi? Katikati kutalusya. Umwene alinkuti, “Une mbagile ukubomba nakimo mwa Nimwene, loli iki une nguketa u Tata ikubomba. Ngaya yo Une uyu ikubomba imbombo isi,” Umwene alinkuti, “ikyēne yo Tata uyu ikwitugasya mwa Une. Umwene yo ikubomba imbombo isi.” Ngimba lo luko luki ulwa mbombo ulu Umwene ābōmbíle?

15 Uswe tukwaga mu li Bangeli, kūko u mwinitu ni ngamu ya Filipu āpokígwe. Kangi umwēne alinkubuka kula nukwakwaga u mwinake, Nataniele, kubutali kunyuma, amamailosi malongo matatu ukusyungutīla i kyamba. Umwene alinkuntwala umwēne ukugomokela kwa Yeso. Kangi akabalilo kako umwene

alimmwagile umwene, umwene aali pasi pa mpiki, ikwiputa. Kangi umwene alinkuti, “Isaga, keta Uyu uswe tummwagile: Yeso gwa Nazareti, u mwanundumiana gwa Yosefu.”

Umwene alinkuti, “Kibagile ukuyapo ikindu kilikyosa ikinunu kikusoka ukufuma mu Nazareti?”

Umwene alinkuti, “Isaga kangi ukete.”

¹⁶ Ubo bo buketa ubununu ukukinda une mmenye. Komma ukwega i lisyu lya mundu yumo uyungi panongwa ya Ilyene. Isaga, keta pa gwimwene! Alinkuti, “Isaga kangi ukete.”

¹⁷ Kangi akabalilo kako umwene isege, Yeso alimile ndukindi, lumo ukwiputira a bandu. Kangi akabalilo kako Filipu ikufika, na Nataniele, Yeso alinkuti, “Keta um’Israeli, mwa uyu mukayamo ubugaasi!”

¹⁸ Umwene alinkuti, “Ngimba mondili ugwe ummenye une, Rabbi?” Ikyene kyalinswigisye umwene. “Ko kugu ummenye Ugwe une?”

¹⁹ Umwene alinkuti, “Bo Filipu akali nukukukolela ugwe akabalilo kako ugwe gwali pasi pa mpiki, Une nakubwene ugwe.” Amamailosi malongo matatu kubutali, ukukinda icyamba, loli, “Une nakubwene ugwe.”

²⁰ Kila kyanangisye Uyu Umwene ali. Umwene ali yo Kyala unjapo-posa; komma itolo u nsololi, loli Kyala Mwene abonekile mu mbili. Iyo yo nongwa Umwene abagile ukukilambalika ubwene, u bumi Bwake, pasi, ukwega ubwene mmwanya kangi.

²¹ Unkikulu unnini alinkwisa ukunega a misi gamo ilisiku limo. Kangi Umwene alinkuyoba ku mwene, kangi alinkuti, “Nkikulu, ndwalila Une agakunwa!”

²² Umwene alinkuti, “Ulwene lo lukaya lwiho kwa umwe baYuda ukutusuma uswe, ba kiSamaria, bo ulu. Uswe tukaya nabo ububombelambombo yumo nunnine.”

²³ Umwene alinkuti, “Loli linga ugwe gwamenye Uyu ugwe kuyoba nagwe, ugwe angali kunsuma Une agakunwa. Une angali ngukutwalila ugwe a Misi ugwe utikwisa kuno ukunega.”

²⁴ Kangi umwene alinkuti, “Ikisiba kyo kisolofu, Nkulumba. Ugwe ukaya nakyo nakimo icyakunegela nakyo, kangi ko kugu Ugwe kwaga a Misi aga.”

²⁵ Ngimba Umwene abombaga fiki? Ukukola umbepo gwake. Kangi akabalilo kako Umwene amwagege iki ulutamio lwake lwali, ulutamio lwake lwali lwakuti umwene itugala mbulogwe. Umwene ali na banyambala bahano, kangi itugalaga nu gwantandatu yula.

Kangi Yeso alinkuyoba ku mwene, “Buka, kammwege undumego, kangi isaga apa.”

Kangi umwene alinkuti, “Une nganun’dume aligwesa.”

26 Umwene alinkuti, “Umma, ugwe gwāli nabo bahano, kangi yumoywene uyu ugwe kwitugasyāmo nagwe akaya gwāko mma. Popāpo, ugwe gwāyobīle kanunu.”

27 Kēta lilino, unJuda. Akabalilo kāko Yeso ābōmbīle ikīka kila ku mwēne, yula ugwānalōli umwīyūle unJuda, gwānalōli, unJuda ugwabwanalōli, alinkuti, “Ugwe gwe Mwanundumiana gwa Kyala, u Mwalafyale gwa Israeli.” Umwēne aamenye ukuti ifimanyilo fila fyabagīle ukukōnga Mesiya.

28 Kangi lilino apa alipo u m’Samaria. Akabalilo kako ikīka kila kyābombigwe pa mwene, umwēne alinkuti, “Nkulumba, une mmenye ukuti Ugwe gwe Nsololi. Uswe tumenye ukuti akabalilo kako Mesiya ikwisa, Umwene isakutubulaga uswe ifindu ifi. Loli Yuwe ywani Ugwe?”

Umwēne alinkuti, “Une ne Umwene uyu ikuyoba kwa ugwe.”

29 Umwene alinkuyileka indeko yake iya misi, nukubopela nkaya, kangi alinkuti, “Isaga, nketa u Nnyambala Uyu āmbulīle une i findu ifi une mbombīle. Ngimba uyu akaya yo Mesiya yulayula?” Naloliloli.

30 Ukukīndilila mu Masimbo uswe twābagīle ukwēga ikyēne, mūmo fikuti Umwēne ābōmbīle ifindu ifi Tāta ālināngīsye Umwēne. Ili Bangeli liyobīle, kula mwa Mwikemo Yohani, akabalilo kako abēne balindālusīsye Umwene isya nongwa ya fiki Umwene akabumbulwīsye abandu bosa abalemale bala, kangi Umwene alinkuti, “Naloliloli, naloliloli, une nguyoba kwa umwe.” Mwikemo Yohani 5:19, “Naloliloli, naloliloli, une nguyoba kwa umwe, u Mwanundumiana akabagila ukubomba nakimo mwa Mwēne; loli iki Umwēne ikuketa u Tata ikubomba, ikyo ikubomba u Mwanundumiana lulalula.”

31 Lilino, linga Kristi asyukile ukufuma ku bafwe, kangi ali pakati pitu umwisyugu, kangi aafingile ukuti ifindu filafila ifi Umwene aabombīle, ukuti uswe tubagile ukubomba nūswe, ikyo kyo lumo Bwanaloli, pamo ikyene kikaya Bwanaloli. Ilibangeli liyobīle, “Umwēne yo yuyo mmayolo, umusyugu, na bwilanabwila.”

32 Kangi, mwebinangu, une nsangalwike itolo ukumanya, umwisyugu, ukuti une naloliloli, na fyosa ifi fili nkati mwa une, ngwītika ukuti Yeso Kristi yo Mwanundumiana gwa Kyala. Umwēne āmeligwe nu kupāpigwa, ubupāpigwe ubupēlēlēse. Umwēne ākubīlwe pāsi pa Pontius Pilati; ākomeleligwe, āfwīle, āsyīlīgwe, āsyūkīle kāngi pa lisiku lyakitatu; kangi afyukile Kumwanya, kangi itugesye ku kiboko ikililo ikya Lwimiko Lwake. Kangi u Mbepo Mwīkēmo ali apa ukukīndilisa i mbōmbo yilayila iyi Umwēne ābōmbīle akabalilo kāko Umwēne āli apa pa kīsu. Lyo līnogōno limogi nki!

33 Lo lubūnju ulumogi luki, u lubūnju lwakwānda lwabusyūke, u Pāsa gwakwānda uyu āpāndilēmo siku pa kīsu! Ngimba umwe mukusyagānia ukuti uyu Pāsa uyu uswe tukusekela, isya

busyūke Bwāke, yo ikusosola itolo ku Paasa uyu ikwīsa, isala iyi Umwēne ikufuma ku Myānya? Kangi bosa aba bafwiile mwa Kristi bisakusyuka nukubūka nu Mwēne. Uswe tukukētāmo kunkyēni ku kila, u Paasa, ikwīsa. Kangi, umwīsyūgu, kyo kimogi nki ikyēne, bo busūbisi buki, bo busisimikisyo buki uswe tulinabo, akabalilo kako i Bangeli likusasania ikyene, akabalilo kako ubuyapo-pōsa Bwake bukusasania ikyene, akabalilo kako ububumbulusyi Bwake bukusasania ikyene, akabalilo kako u Mbepo Gwake unkulumba ikusasania ikyene, akabalilo kako kilikyosa mu kipeligwa kikusasania ikyene, i Kipanga Kyake kikusasania ikyene, indumbula yangu yikusasania ikyene, i ndumbula yiliyosa iya mundu yikusasania ikyene, ukuti, “Yeso Kristi yo Mwanundumiana gwa Kyala, kangi isakwisaga kangi! Kangi Umwene yo yuyo lilino, ‘Mmayolo, umwisyugu, na bwilanabwila!’” Lilino ketesya.

³⁴ Ikyēne kyāli pa lubūnju lwa Pāsa ulumogi ulu. Pala pāfumile ukuyapo ikilūndiko kya luheho, ukuyoba. Abakikulu bamo bagomokile ukufuma ku lipumba, kangi balinkuti abene bayibwene imboniboni ya Bāndūmi. Kangi abēne balinkukyēga ikyēne ukuya mwēselēla-ngūnda; Mariya, u mama, kabuno umwēne aapilike a masyu gikuyoba ku nyuma yake, kangi alinkuti, “Ngimba fiki ugwe kulondesya?” Kangi akabalilo kako Umwene asyumbutwike. . .

³⁵ Umwene alinkusanuka, kangi alinkuti, “Abene basosisyepo u Ntwa gwangu. Une ngamanya kuko abene bandambalike Umwēne. Linga Ugwe umenye, mbula une kuko Umwene aliko, kangi une ngubukaga ukummwēga Umwēne.”

Umwene alinkusanuka, kangi alinkuti, “Mariya.”

³⁶ Kangi umwene alinkunkéta Umwēne, kangi umwēne alinkuti, “Rabboni,” uyu kokuti, “Fundu!”

³⁷ Umwene alinkuti, “Komma ukumbalamasya Une, kabuno Une ngāli ngafyūka. Loli une ngufyukaga kwa Tata gwinu, kangi kwa Tata Gwangu, kwa Kyala Gwangu, kangi kwa Kyala gwinu. Lōli būka, kababūle abafūndīgwa Bāngu Une nisakukwāgāna na bēne mu Galilai.”

³⁸ Mūmo kila kyābonekàga ukuya akapāngo kamwālwe, aka Nnyāmbāla uyu abēne bālimbwēne ikukemesigwa; kangi ikufwa, ikusyiligwa, kangi ili lyāli lisiku lya buna, pamo i lisiku lyabutatu ukufuma pāpo Umwene āfwile. Pētēri afikile pakusulumania, kangi ālōndāga ukubūka ku kulob’iswi. Babili ba abēne balinkuti, yumo ni ngamu ya Kleopa, alinkuti, “Uswe tukubūkāga itolo ukugomokela ku kāya, ku Yerusalemu.” Kangi pa nsebwe gwābo, bikwēnda mula, ulubūnju lula, akabalilo kākō Pētēri ālyēgile indisi gwāke gwakulobela kangi alinkubūka ku kuloba, babili aba bāli pa nsebwe gwābo, bāsulumēnie. Kangi bo abēne bābūkile pa nsebwe, ukuyoba, “Ena, une ngusakikisya ubūmi bukafikapo ukwitūgaligwa. O, mumo uswe twālītike

ukuti Umwēne aali Mesiya! Ābagile bulebule u Nnyāmbàla yula, Yūyo āsyūsyāga abafwe, siku ukwīma nu kundeka u mpūti-unkulumba yula amūgīlēge Umwēne? Ngimba abagile bulebule u Nnyāmbàla yula, Yūyo ābagile ukukēta imboniboni ukufuma pa mboniboni, ukundekamo siku u nsikali gwa Roma ukubika ikifunga ukusyūngūtila ikisyo Kyāke, nu kuntika Umwēne pa ntu, kangī alinkuti, ‘Linga Ugwe gwe nsololi, tubula uswe ywani akutikīle Ugwe?’ Ngimba Umwēne abagile bulebule ukukūtila kuli kisa, pa kipingika, ukukēta ukuti Umwēne ābagile nukufyūsyā abafwe?” O, akēne kāli kabalilo ka kusulumanisya!

³⁹ Kangi utubalilo tula twakusulumanisya tukwīsa ku mwītiki aligwēsa, ukukugesya ugwe, kangī ukukugela ugwe, kangī ukukēta linga ugwe naloliloli kwitika. “Umwanundumyana aligwesa uyu ikwisa kwa Kyala, abagile ukugeligwa tasi, ukumanyisigwa-mwanike.”

⁴⁰ Bīsakuyapo bamo mwa umwe ikilo iki, kisita kwīlāmwa, bīsakukīndāmo mu kugeligwa kulakula. Linga uswe tubagile ukukolela ulukindi lwa lwiputo, une ngaya nayo ifundo ywāni ali na makadi ga lwiputo umma, nayumo uyungi amenye; agēne go itolo lōsa gafuluganike mōsa palikimo, nu kuyabanisigwa kwa umwe. Une nisakukōlēla ukufuma pamo, palipōsa apa pali pa līnogōno lyāngu pa kabalilo kala. Ūswe tukabagila ukwīkasya loli pa kabalilo kanini. Madazeni mabili, lumo, bisakukilania ulukindi lwa lwiputo. Bosa bikulonda ukwisa. Ugwe ubagile ukwinogona ukuti Umwēne akukīsēnie ugwe, loli Umwēne akaya mma. Umwēne ikukugesya itolo ugwe, itolo ukukēta linga ugwe naloliloli kummwitika Umwēne. Imboniboni yitikubumbulusya; imboniboni itolo yikusisimikisya u Kuyapo Kwake.

⁴¹ Une nāli itolo nitugesye apa, nguketa itolo lilino ukukilania ikilundilo. Kangi une nguketa u—u mwinake gwa une, u Nka. Cox, ukufuma kula mu Kentucky. Āli na kansa unnywamu pa kisyo kyāke, imilungu minandi igi gikīndīlepo, āmalile ukulya ukufika ukusyūngūtila ikisige kyāke. Umwēne āfwāga. Nka. Wood, mwinangu nnunu, ālingōlīle une pa fōni, kangī ākūtaga, alinkuti, “Une ngwitika ikyene kikubukaga ukulya ikisige kya māma lōsa, mmasiku manandi.” U ngānga āfikile pa kukasakasa ni kyēne, nu luko lumo lwa findu, nu kubalania ikyēne. Ikyēne kyāli mu butolwe ububībi. Ndinkubūka nkati nu kupa akapepe, akīpūto akanini, nu lwītiko ulwīkitikāno, ukuti ikyēne kisa kuboneka. Kangi apa umwene itugesye apa ikilo iki, nubupelesye nnunu kangī kanunu; komma na katōndobya ka ikyene kasyēle, ikyene kyo kyosa kibumbulusigwe lōsa, pa kisyo kyake. Itugesye papapa apa pankyeni pa uswe. Abangi ukusyūngūtila, ni kindu kilakila. Fiki? Iyene yo nongwa yakuti Yeso Kristi āsyukile ku bafwe, kangī Umwene mumi.

42 Yula yulayula Yula fikuti ābagile ukupalamasya a bābukoma, kangī alinkuti, “Une niganile, yaga ugwe mwēlu,” abagile ukupalamasya u kansa nu kuyoba, “Une niganile, yaga ugwe mwēlu,” linga Umwene yo yuyo mmayolo, umwisyugu, na bwilanabwila.

43 Kangi bo Kileopa na bala bēndāga mula, basulumēne, abēne bāli mu luko lumo mu lumo lwa sila ibūnju insulumanie, kukuboneka ngati ikīndu kilikyōsa kikubūka mbusobi. Kangi mbimbidi itolo, Umunduyumo alinkusōka panja, pamo, ukwisa kunyuma ku bēne, alinkusegelela nukubāga abēne. Kangi kanini abēne bāmenye ukuti yula aali yo Ntwa Yeso! Umwēne āli mūmi, kangī abāndu bīngi aba bālīnganile Umwēne bakāmēnye ikyēne.

44 Kangi ikyo kyo momumo kiyilile ikylene umwisyugu. Balipo abandu bīngi umwisyugu aba banganile u Ntwa, kangī batikusyagania. Ugwe gwābagile ukubabūla abēne isya ikyēne, kangī lōli abēne bakabagila ukusyāgānia ukuti Umwēne yo mūmi kwa bwilanabwila, ikilo iki, ukuti Umwēne āli apa mu kipanga iki ikilo iki, ukuti Umwene ali pakati pa uswe, kangī isakuyaga mpaka Umwene ikwisa mu mbili umpalamasigwe. “Une ndisakukulekamo ugwe pamo ukukutaga ugwe.”

45 Kangi bo abēne bābūkāga mula nu kwānda ukuyoba mula mu nsebwe, Yeso, une ngulōnda umwe ukukētēsya ikindu ikyākwānda Yeso ābōmbīle, ābūkīle kulakula ukutalula ku Lisimbo, Umwene alinkuti, “O, mwe batoyofu ba ndumbula, ngimba ikylene kikafu kwa umwe ukwitika iki abasololi bāyobīle?” Kabuno, Umwene alinkubasuma itolo abene, “Ngimba fiki umwe musulumēnie fiyo?”

46 Kangi abene balinkuti, “Ngimba Ugwe gwe lōli nhesya yumo? Ngimba Ugwe utikumanya ukuti Yeso gwa Nazareti, Uyu uswe twīnogōnāga ukuya Mesiya, u Mbāngi gwa Israeli, ngimba Ugwe ukamanya ukuti ili lyoopē lya lisiku lya butatu ukufuma papo Umwēne akomeleligwe? Kangi Umwēne aali Nnyambala gwamaka mu Lisyu. Umwene aali Nsololi gwamaka, panongwa yakuti ifiswigisyo fīngi ni findu, Kyala aabombile nu Mwene. Kangi ili lya lisiku lyabutatu; kangī lilino abēne bangogile Umwēne, nu kunsyila Umwēne, kangī Umwēne aali mwipumba. Kangi abakīkūlu bamo bikwisa kwa uswe nu kutubūla uswe ukuti Umwēne āsyūkīle ukufuma ku bafwe. Kangi uswe tumēnye akēne ko itolo kapāngo ka butoyofu, popāpo uswe tuli pa nsebwe gwītu ukugomokela.”

47 Polelo ako ko kabalilo kako Umwene andaga ukwigūla i Lisyu. O, une ndiganile i Lisyu lya Kyala iya Syēpwa! Umwēne alinkwānda ukukīndamo mu Masimbo, ukwanda na Mōse. Umwēne akālekilēmo siku kalikōsa kasitakukupuligwa, Umwēne ābūkīle ukutalula ku Lisyu!

48 Aligwesa u nnyāmbāla ntumigwa-na-Kyala, une ndikupasya umwēne yo ywani, umwēne isakusyāla ni Lisyu lya Kyala. Linga

umwène atikubomba, umwène akaya ntumigwa gwānalòli gwa Kyala.

⁴⁹ Umwene alinkubuka kulakula ku Lisyu. Kangi Umwène alinkunāngisya, ukwīsila mu Lisyu, ukuti Kristi āyaga pakufwa, fyuka kangī, ukwingila mu Lwimiko Lwake. Lilino, o, mūmo abēne bābagīle ukuti bāyobile!

⁵⁰ Une ngulōnda ukuya nāli nako ukuyoba kwa innandi isala innini nu Mwēne (bule ugwe?) mula mu nsebwe. Ugwe kuyoba, “Mulimosa, Nkundwe Branham, une naloliloli mbagile. Ngunyonywa une angali mbagile.” Ena, uswe tubagile ukuya nako ukwēne lululu lilino. Uyo yo Mwene ikuyoba kwa ugwe, mu ndumbula yako. Ugwe itolo utikukyagania ikylene.

⁵¹ Lilino kētēsya bo Umwēne āsegelele kifuki a kāya, amayolo gīsaga, Umwēne ātēndike ngati Umwēne āyāga pakukīndilila ukukīsania.

⁵² Umwēne abagile ukubomba ikyo kwa ugwe, nugwe. Umwēne abagile ukupela ugwe kwinogona ukuti Umwēne ikukīndililaga, loli Umwene atisa. Umwēne atisa kukīsania. Umwēne itolo ikulōnda ugwe ukumkōlèla Umwēne.

⁵³ Kangi abēne bālinkuyoba ku Mwēne, “O, i lisiku līlile kubutali fiyo. Lilino komma ukukīndilila nkyēni, lōli tukulāmba isaga nkati kangī syālàga na uswe.” Ugwe itolo mpapo Umwēne u luko lula ulwa bukōlèlè, syāgània iki kisa kuboneka. Alinkuti, “Iisiku lyo līlile fiyo lilino, Ugwe gweisa kangī itugasya na uswe. Ukwene ko ku namayolo.” Polelo Umwēne alinkusanuka kangī alinkubūka nkati, ku bulīlo ubunini, akagonelo akanini.

Mu Europe abēne bakāli balinako akēne. Ugwe kulya kangī kugona, kangī kilikyōsa kihōmbelīgwe mu ntēngo gumogwēne, i hoteli yāko.

⁵⁴ Kangi akabalilo kāko Umwēne āfikile nkati na bēne! Apa kilipo ikiyabo ikimogi. Iisiku lyosa lila, akabalilo kako abene bayobaga nu Mwene, Umwene akāyobilemo siku ikindu kimokyene. Loli, abēne balyendile nu Mwēne nu kuyobesania nu Mwēne, pabutasi, loli abēne balinkusita kukyāgània ikylene.

⁵⁵ Ywāni akukyūngīle ugwe ukufuma kukuya ni soka yila ilisiku limo? Ywāni alītikisye u bōnda yula ukuya kanunu? Ywāni āhōmbīle u ntēngo gwa fyakulilūka gula kuli ugwe? Ikyēne āli Umwēne, lōli ugwe itolo utikusyāgània ikyēne. Ywāni yo yūyo ākupēle ugwe ubukafu ukusōka pānja ku kipānga ikilo iki? Ikyēne yo Mwēne, lōli ugwe utikukyāgània ikyēne. O, linga uswe twābagile itolo ukubomba bo bene, itolo nsuma Umwene ukwisamo!

⁵⁶ Kangi akabalilo kāko Umwēne ikwīsa nkati, alinkufika nkati, alinkwigala ififigo, polelo Umwēne ābōmbīle ikindukimo iki nu mūndu nayumo uyūngī ābagīle ukubōmba ikyēne injila yila. Umwēne āli yo Mwēne ntiga uyu ābagile ukubōmba

ikyēne, kabuno abēne bāli nu Mwēne pabutasi pa bukomeléligwe Bwāke. Kangi Umwēne alinkwega unkatu gula, kangi, itolo injila iyi Umwene ābombile ikyene, yila yāli njila Yake Mwene iyakubombela ikyene. Kangi amaso gabo galinkwiguka, kangi abene balinkusyagania ukuti kila kibagile ukuya Mwene. Umwēne akāsyēle na bēne pabutali fiyo mma. Umwēne ayōngile ukufuma ku bukētelo bwābo, itolo nkabalilo. [Nkundwe Branham ikukuba ulobe lwake—Nsimbi]

⁵⁷ Kangi pa nsebwe gwābo, abēne balinkubūka ukugomokela itolo nubukafu na mūmo abēne bābagile ukubūka, bapepe-malūndi, itolo bikuywēga u bupōnjōli, ukubabula abēne ukuti, “U Ntwa asyūkile naloli!” Abēne bakāgomokile ukukānikana ubwīpūti bwābo. Abēne bakāgomokile kunyuma ukwakūmana isya ikyēne. Loli abēne itolo balinkumanya Umwēne asyusigwe ku bafwe!

⁵⁸ Lilino, binangu, linga Yeso Kristi, u Mwanundumiana gwa Kyala ugwabumi, ukufuma pa fyīnja bamia kalongo na lwele na yumo ifi fikindilepo, linga i Bāngēli lyo lyābwanaloli, Umwēne alinkuti, “Une ndi mūmi kwa bwilanabwila,” Umwene yo itolo mumi apa, mu nyumba iyi ikilo iki, bomumo Umwene ayīlile ilisiku lya busyuke Bwake, Umwene yo itolo mu mbili.

⁵⁹ Bamo mwa bēne bābūngēnie palikimo. Kangi Umwēne ikwisa itolo ukwisila mu kibūmba, ābonike palapala nkati, ukukinda pakati pa bēne, alinkuti, “Apa, mbalamasya Une. Kēta ifikoko Fyāngu mu maboko Gāngu. Ngimba u mbepo ali nu nyōfu ni fifupa bo mūmo Une ndinafyo?” Umwene alinkuti, “Mbapo Une i kindukimo ikya kulya.” Kangi abene balinkumpa Umwene iswi nu nkati. Kangi Umwene alinkwima pala nukulya ikyene, pankyeni pa bene, alinkuti, “U mbepo atikulya mumo umwe mukumbona Une ngulya.”

⁶⁰ Ngimba Umwene yo fiki? Umwene yo nkulumba yula, ugwabumi Yehova Kyala uyu ali pakati pitu ikilo iki. Umwēne ali nkati mwa kulikōsa babili pamo batatu bībūngēnie: “Une nisa kuyaga nkati pakati pābo.”

⁶¹ Kangi lilino apa po kilipo iki une ngwīnogona. Linga Kristi isakwisa ku kilundilo kya bandu, akabalilo kako umwe mukusōka amafuke, mukugūlila, kangi isakusisimikisya, pa Pāsa uyu, ukuti Umwēne yo mūmi, kangi imile mu nyumba iyi ikilo iki, polelo ugwe uli nu bwābūke ukunsuma Umwēne pa kalikōsa aka Umwēne āfwīlile, kangi itika ukuti ugwe kwisakwāmbililāga ikyēne. Ngimba umwe mukwitika ikyo ukuya Bwanaloli? Naloliloli, ikyene kili.

⁶² Lilino, une mbagile ukuyoba kwa umwe pakabalilo katali, loli i Lisyu limolyene ukufuma kwa Kristi lisakusanusyaga ukukinda amasyu gosa une mbagile ukuyoba; ngatele kangi ndūsanīgwe mu masyo, kangi ngatele bo ikyēne kili mu masyo gāngu.

63 Kangi polelo ikindu ikingi, mu kuyoba, ikyène kyo kikafu, kabuno aka ko kâya kângu, ukuya nu lukomano ulupônjòli nu kupakigwa kwa Mbepo bo yula. Fiki? Panongwa yakuti aka ko kaya kangu. Yeso aayobile ikyo, “Unsololi, nkaya kake mwene, ikisu kyake mwene, mope mu bake bene.” Ikyene kyo itolo kindukimo iki kikuboneka injila iyo.

64 Abene batile ukuti akabalilo kako Umwene abukaga ku kaya Kake Mwene, abene batile, “Ngimba yu akaya yo mwanundumiana gwa nkeka-matapwa? Ngimba u mãma Gwâke, Maria, akaya apa na uswe? Ngimba bõsa ba bakundwe Bâke bakaya apa, kangi abakalumbu Bâke? Ngimba uswe tukabamanya abène? Ngimba yo sukulu nki Umwène asòkilèko? Yo seminale nki Umwène afyũkilèko? Fyo fyākumbagila nki Umwène ikupĩmba?” Kangi Umwène akākĩndilemo mu sukulu yiliyõsa pamo i seminale yiliyõsa, pamo ifyakumbagila filifyõsa, lõli Umwène isile ukufuma kwa Kyala. Loli abene balinkutoligwa ukuketa ikyene. Abene balinkuti, “Ngimba Umwène ikukaba kugu amahala aga?”

65 Kangi akabalilo kâko abène bãlimbwène Umwène ikumanya aminogono gala aga bãndu, akabalilo kako Peteri ikwisa ku Mwene, Umwene alinkuti, “Ingamu yako yuwe Simon, ingamu ya tata gwako yo Yona,” ikyène kilinkungwisya pãsi umwène. Ngimba Umwène ãlimmenye bulebule umwène?

66 Aba Farisai bãlimile palubafu, kangi balinkuti, “Umwene yo Bezezebabu. Umwène yo mwalafyale gwa balagusi. Umwène yo mõhési!”

67 Kangi Yeso alinkuti, “Umwe mukuyoba ikyo ukulwana na Une, u Mwanundumiana gwa mundu, ikyene kisakuhobokeligwaga kwa umwe. Loli akabalilo kako u Mbepo Mwikemo isile kangi ikubomba ikindu kilakila, kangi umwe mukuyoba ilisyu limolyene ukulwana ni Kyene, ikyene kitisa kuhobokeligwamo siku umwe, nkisu iki pamo nkisu iki kikwisa.” Polelo, ikyene kyo kindu kibibi. Polelo ngimba Umwene âménye bulebule? Nongwa ya fiki Umwene äyobĩle ikyo? Umwène âménye ukuti ifimanyilo fila fikwĩmisigwàga mpaka ilisiku lya bumalikisyo ili.

68 Kangi amasiku ga bumalikisyo aga, Umwene akãbagile itolo, ukonelela panja ubugasi Bwake pa bandu bagolofu. Abène bali...Uswe tugeligwe mu kigelèlabusito, kangi twägigwe tutumukilwe. Fyõsa uswe tukwĩnogonèla to tubalilo utunywãmu, imbãtiko sya parèdiyo, kisitakwènesigwa, Elvis Presley, Arthur Godfrey, isũnga isyaiyolo isyakinyanyasi, abafumuke ba rēdiyo na televizioni. Uswe tukusyala pa kaya pakilo kya Kitatu, ukufuma ku lukomano lwa lwiputo, ukuketa ifyabubolàno bo fila, kangi ukwĩkõlèla twĩbène Bakristi?

69 Polelo akabalilo kako Kyala ikõnelèla pasi u Mbepo Gwake, kangi ukubonesya ifimanyilo fya busyuke Bwake,

uswe tukukemela Ikyene nukusyumbutuka. Kangi ubo bo butulwanongwa ubusitaku hobokeligwa, ukubōmba ikyo. Yeso alinkuti, “Yoba ilisyu limolyene ukulwana ni Kyene, ikyene kitisakuhobokeligwāmo siku, nkisu iki pamo nkisu iki kikwisa.” Popāpo u Mbepo yula abagile ukwisa mmasiku ga bumaliki syo ili, ukusisimikisya i Lisyu lya Kyala ukuya lyabwanaloli.

⁷⁰ Kangi une nguyoba, pasi pa bulagili bwa Lisyu lya Kyala, kangi ukwipilika kwa moyo gwangu nimwene: yulayula u Mbepo Mwikemo (Mbepo) ali papapa apa lilino nkati mwa bandu aba. Lilino, une nāliyōbile ukuti Umwēne asyūkile ku bafwe. Une nāliyōbile Umwēne yo mūmi, mūmi kuli bwīlanabwīla. Une niyōbile Umwene yo yuyo mmayoli, umusyugu, na bwīlanabwīla; yulayula mu fundo, yulayula mu Maka; yulayula mu kilikyosa, fyōsa loli umbili Gwake umpalamasigwe ugu gwitugesye ku kiboko ikitalusye ikya Kyala kangi Mbvimikigwe, mu Lwimiko. Loli u Mbepo Mwikemo ali apa, ikubomba, ikwendendeka, ikubombabomba, ukubomba itolo katikati bo yu Yeso Kristi aabombile, kabuno ubwēne bo busisimikisi bwa busyūke Bwāke. Yo sala nki immogi! Lilino une ngusakikisya umwe mukukēta pāpo une ngwīma.

⁷¹ Lilino, komma kene na kanini aka, ukufwana abandu mia yumo, pamo abandu bamia babili muno mu—mu nyumba iyi innini iyi, tulūndikēne nkati muno ikilo iki, lōli une ndēndike ubuyobelo ubu pankyēni pa maelifu ukubāsabia na maelifu, kangi bamia ba maelifu, ngolelile i Bāngèli mu kiboko kimo, kangi Korani mu kīngi, nguyoba, “yumo yo ntalusye, kangi u yūngi yumo yo nsobi,” nu kukānika aligwēsa umpūti gwaMuhamadi ukwisa nu kusisimikisya, pamo aligwēsa uyūngi, Bhudha, pamo kilikyōsa umwēne abagile ukuya, ukulwāna na Korani, kangi ukulwāna nu bwīpūti bwābo, lōli aligwēsa ikuya kimyēmye.

⁷² Lōli, bakundwe, inongwa iyi une ngubōmba ikyo, panongwa yakuti une mmenye u Ntabuli gwāngu mūmi! Kangi Umwene yo Bwanaloli. Yeso Kristi ali nu bumi. Umwene ali apa!

⁷³ Lilino ikyene kikaya nakimo mwa nimwene iki une nābagile ukubomba, ikyene kyo kyābupi kya Kyala. “Kubomba bulebule ugwe ikyene?” Ikyene kyo itolo ukwilambika gwīmwēne.

⁷⁴ Munomuno mu nyumba iyi lilino bo bīngi, bīngi a Bāndūmi. Ugwe kuyoba, “Ngimba ilyo lyo Lisimbo?” Ilyo lyo i Bāngéli. Unko une mbanangisye umwe. Balinga a Bakristi bali apa? Fyusya ikiboko kyako. Umma ndaga, umwe mubagile ukubika ifyēne pāsi. Ili Bāngèli liyobile ukuti, “A Bāndūmi ba Kyala bikwibungania ukusyungutila babo bikutila Umwene.” Polelo, balipo a Bāndumi apa!

⁷⁵ Polelo Kristi alinkuti, “Paliposa apa babili pamo batatu bībūngénie mu Ngamu Yāngu, une nisakuyaga pakati pābo.” Polelo, Umwēne ali apa! Ikindu kyene iki ikyene kili, ugwe

ukabagila ukumbona Umwène, lōli nu lwitiko uswe tukwitika ikyène.

⁷⁶ Une mbagile ukusisimikisya kwa umwe ukuti i rēdiyo yikwisa ukukindāmo muno, mōpe, amasyu. Une mbagile ukusisimikisya kwa umwe ukuti ififwāni fikukinda apa. Ikyène kitisa kutika pa lipīpa *ili* apa; ikyène kitisa kutika pa *iki*, akasangalabwe aka, ka kyakuyobelapo iki; nakamo kisa ikyène ukwisa pa kapatu *aka* ka kīndu, nongwa yakuti ikyène kikātēndekigwe injila yila mma. Lōli kalipo akapatu ka kīndu yūyo isa kutwāla-kangi ikifwāni kila.

⁷⁷ Kangi Kyala ātūgēsye bamo mu Kipanga, ikyākwānda abatumigwa, polelo abasololi, abamanyisi, abasasanianongwa, na batimi, fyōsa kuli ukupēlēlēsya i Kipānga. Tubagile bulebule ukupīka yumo, nu kuyoba uyūngi yula akaya lūlo? Kyala ikubōmba ikyène, Mwēne. Ikyène kyo nakimo nkisu loli itolo ukwilambika gwīmwenne kwa Mbepo Mwikemo. Kangi u Mbepo Mwikemo ikwēg’ubulagili ukufuma pala, kangi ugwe utikumanya iki ugwe kubomba. Ikyene kyo mbombo ya Mbepo Mwikemo yapamwēne.

⁷⁸ Lilino, binangu, kāya kāngu nīmwenne. Kangi une ngulōnda ukuyoba iki lilino, bo tukāli ukwīgala uluyigo ulu. Limo mwa masiku aga patisa kuyapo ni līto lisyēle mu Jeffersonville, patisa kuyapo nayumo asyēle mu Charlestown, patisa kuyapo yumo asyēle mu Louisville. I kīsu iki kitonile kuli ubulōngi. Abēne balinakyo ikipufulilo kya haidrojeni lilino iki Russia abagile ukutusulila ukufuma ku Moscow, ukugwīsa ikyène mu Lukindi Lwabuna, kangi ukwēga kalikōsa kamo mwa aga mafakitale ga lufumbi ukusyūngutīla kuno, nu kuyubīka ikyène amafiti malongo-mahano-na-mabili-na-tuhano pāsī pa kīsu, ni kipufulilo kimokyēne. Ikipufulilo kimokyēne; amamailosi kalongo-na-mahano ndubīngilo, ikyène kisakubūkāga amafiti mia yumo na malongo mahano mu mfwe. Ikiboko kili pa kitusulilo. I sala yikukuba ukusōkāpo. Ukwene kwilile ukukinda mumo ugwe kwīnogonela. Fiki ukugūlīla mpaka akabalilo kala?

⁷⁹ Kumbukilāga, “Linga ikitēmbē ikyamfu iki kisungulwīke, uswe tulinakyo kimo kitalile kikugūlīla.” Komma ukutīla i fipufulilo fya haidrojeni pamo nakimo ikīndu ikīngi. Akabalilo kosa ugwe uli nagwe Kristi mu ndumbula yako, ikyo kyo kikīngi kya kipufulilo ikinunu ukukinda-fyosa iki une mmenyepo. Ikyene kitendekigwe ukufuma ku mayoya; pāsī pa mapiko Gake uswe tukwitugasyaga. Polelo komma ukupasya isya findu ifyo, linga ugwe uli Nkristi.

⁸⁰ Loli linga ugwe ukaya Nkristi, ugwe naloliloli gwimile mbuyo ubusisya. Ugwe ukamanya ko kabalilo kaki indūmbūla yāko yikuyaga pakwīma ukutika. Ili Bāngeli liyobile ukuti abanyambala bisakufwaga mmasiku ga bumalikisyo, nu lutamio lwa ndumbula, “Indumbula ya bandu sikutoligwa, ulutēnde,

ukufubanisigwa kwa tubalilo, ubutulwe pakati pa fikolo.” Kēta fiki ifyākōngelelāpo, kalōngo kōsa bu bwīngi bwa nnyāmbāla ikufwa, bo babakīkūlu; i Bāngēli likāyobilēmo siku indūmbūla sya bakīkūlu sisakutoligwāga, Ilyēne lyāyobile, “Indūmbūla sya banyāmbāla sisa kutoligwāga.” Ikyene kyo naloliloli, nubupelelesye.

⁸¹ Ilisiku ilingi mu Oakland, nkasi na une twāli ukukilania kula mu San Francisco, kala akasenyēnda akakulumba kāyūgēnie. Kangi i kīsu kikwānda ukubhāga nu kugwa-kamfwīko kula, mpaka imiyūmba gilinkuyuganika, kangi ifisōnge-fya-lyōsi filinkuwīgila uko. Imipila iminywāmu gwa mbepo gilinkubūka mmwanya bo *ulo*, ni lyōsi mu gwēne, pamo ilītu, kali kyo fiki ikyēne kyāli, ukufuma mmabuyo gala. Kangi abandu balinkubopa mu ngindi, bikukuta. Une ndinkwinogona, “Ngimba ikyene kikuyaga fiki akabalilo kako u Ntwa naloliloli ikubonekela?” Ifilabu fya bwālwa, palapala nkyēni, fikubīka pamwanya ubwālwa bwābo, ukugomosya pa mēsa, nu kugulisya ubwēne. Abāndu bikwīsa mula ukūla ubwēne. U nnyāmbāla akābagile ukūlisya ubwēne linga nayumo ūlāga ubwēne. Uko ko kutalusya.

⁸² Ikyēne kyo, uswe tuli batobesigwe bala. Unko une ngubūle ugwe, nkūndwe. Une ne mwaMerika, kangi une nkiganile ikīsu kyāngu. Lōli ikikolo ikyaiyolo iki kigēligwe mu kigēlēla-busito, kangi kyāgigwe kisyēlēpo. Umwene ikwībila, ukuya nsisimikisiyo mumo une ne ndumbilili kunyuma kwa kigemo iki ikilo iki. Lilino une nguyoba ikyo ukwāga ubukūndwe na Kyala. Une nguyoba ikyēne panongwa yakuti Kyala ikubīka ikyēne pa ndumbula yāngu ukuyoba ikyēne. Kangi ikindu ikinunu ukukinda-fyosa iki ugwe kubombaga ko kwītēdekēsya ku Kwisa kwa Ntwa.

⁸³ Lilino itika Umwēne, yaga nu lwitiko mwa Umwēne. Lilino, amasyu gosa une nābagile ukuyoba, une nguyoba kangi, gakabagila ukusanusya ikindu kimokyene ku iki Yeso abagile ukuyoba. Lōli ngimba umwe mukusyāgānia kūko une ngwīma, ni kibugutila iki ikya bāndu ikilo iki? Une pamo nsobile-pakulīngānia ikindukimo, pamo njobile u Bwānalōli. Lilino linga Yeso Kristi asyukile ukufuma ku bafwe, kangi, aafingile, ifindu filafila ifi Umwēne aabombile uswe tubagile nuswe, kangi une nīyobile, ukufuma mwānike ndumiana unnini . . .

⁸⁴ Une ngāli ni myesi kalongo-na-lwele mbukusi, une ngusakikisya, loli komma ukukinda ifyinja fibili, muli mosa, akabalilo kako une nāyibwene imboniboni yangu iyakwanda. Ikyēne kyo, kiyile, ubūmi bwāngu bōsa. Abāndu apa mu kipanga, bamenye ikyo. Akabalilo kōsa une nāli apa, komma na kabalilo kamokene kitolīgwēmo siku ikyēne. Kangi ikyēne kitisakutoligwamo siku, panongwa yakuti ikyēne yo Kyala. Ukusyungutila ikisu ikyēne kibūkile, uluyigo ulukulumba lwākile. Kangi lilino, ukwisila mu ipyana lya

Kyala, une ndi mu myoyo gya elifu-elifu gwakibili, mulamula mu lukomano lwangu nimwene, ukukábila ku Ntwa Yeso. Elifu-elifu gwakibili, uko ko kotalusya. Kangi inogona itolo isya maelifu-elifu agāngi aba basókile panja, Oral Roberts, fyōsa fya ifyākāno ifi fyāsige ukufuma ku kīndu, kangi filinkūkīndillila, kaelifu ukubāsania maelifu, mpaka ukusyungutila ikisu lulipo ulusasanio ulukulumba ulwa Maka ga Kyala, lukwendendeka. Kangi u mōhēsi ikwābūla lōsa u luko lwa fīndu ifyābutūngūlu, ukulwāna ni Kyēne. Lōli i Lisyu lyanalolili, i Lisyu lya Kyala ilyānalōli lisabūkāga ukutalula ku bumalikišyo. Ilyēne litisakutoligwamo siku! “Une ne Ntwa mbyele ikylene. Une ngwisakonelalaga ikylene pamusi na pakilo, asulwe yumo abagile ukunnyaka ikylene ukufuma ku kiboko Kyangu.”

⁸⁵ Lilino, ikilo iki, une n̄yobīle ukuti Kristi asyukile ku bafwe. Umwene yo yuyo mmayolo, umwisyugu, na bwilanabwila. Lilino, u Ntwa akusaye ugwe. Linga Umwene ikubombaga ikyo, polelo ugwe uli...Linga ugwe kwitika ikylene, Kyala akusaye ugwe. Ndalusya Umwēne, polelo, akabalilo kako Umwēne ikwisapo pa buyo. Linga Kristi isakuboneka apa pa kigemo iki! Apa po lulipo ulukānikāno. Linga Yeso Kristi, u Mwanundumiana gwa Kyala, isakubonekaga papapa apa pa kigemo, nu kubomba ifindu filafila ifi Umwēne aabombile akabalilo kako Umwēne aali apa pa kisu, ngimba ugwe kummwitikaga Umwene?

⁸⁶ Nkēta Umwene, pa nsebwe ugwa ku Emmausi, mumo bala abalumiana, balāsulēnie...Akabalilo kako Umwene āswānyulēnie u nkati gula, Umwene ābombīle ikindikimo iki nu nnyambala nayumo uyungī ābagile ukubomba. Ikyene kyāli kindukimo iki Kristi mwene ābagile ukubomba. Kangi abēne bakyagenie ikyēne.

⁸⁷ Lilino linga Umwene ikubombaga ikindu kilakila apa, iki itolo Kristi mwēne abagīle ukubomba; komma ikindu kimo ikyābusyōbi, lōli ikindu kilakila iki Umwēne ābōmbīle; polelo ugwe kwitika Umwene, kummwambilila Umwēne, yaga nu lwitiko mwa Umwēne, ngana Umwēne, mbombela Umwēne.

⁸⁸ Unko une mbabūle umwe, itolo komma ukwingila ikipanga lilino. Ikyo kitisakubōmba. Ugwe kufimbilisigwa ukupāpīgwa kabubili. Komma ikyākwībōmbela kyakwīnyenyemusya; komma kimo ikinīni ikindikimo ugwe uyobīle, “Ena, une ndinkulalata. Une n̄jobile mu ndimi. Une mbombile *iki*,” ikyo kikaya ikylene mma. Akabalilo kako naloliloli pasi pa ndumbula yako, Ikindukimo kikwisa ukwāndūla ugwe, kangi ugwe kuyaga kipeligwa ikipya mwa Kristi Yeso; ugwe kwambilila u Mundu, Kristi Yeso; akabalilo kako ifindu fyaiyolo fikufwa lōsa, kangi ifindu ifipya fikupāpīgwa kangi; ugwe kutendeka i findu ukuya fitalusye, ukuti ugwe gwābōmbīle ubusōbi; ugwe kugana abalugu bāko, ugwe kwiputila bala bābo nubugāsi

bikukubōmbéla ugwe; ako ko kabalilo kâko ugwe guli Nkristi. U mpiki gukumanyígwa ni fipaso ugwēne gukupâpa.

⁸⁹ Untwa alisayaga ugwe lilino, bo uswe tukvinama imitu gytu. Une nguyaga pakunsuma u kalumbu ukubuka ku piano, ukukuba polepole, “U Ngānga unkulumba lilino ali kifuki, u Yeso umpelēla-kisa.” Kangi umwe panja, lilino, mwe mulinago amakadi ga lwiputo, sema fyūka kifuki ku kifigo, uswe tukwandaga itolo nkabalilo. Unko uswe twipute.

⁹⁰ Gwītu Nsayígwa Tāta Gwākumwānya. O, amasyu gāngu amapelakisa, imyēsi mina igya kuyoba, une ne itolo ngatēle fiyo mu masyu gāngu. Lōli une ngusūma ukuti Ugwe kwisakundūlāga une itolo lilino. Apa pisakuyaga ikīsano iyīngi ku Branham Tabernacle. Apa pisakuyapo unkēti uyūngi ukufyūka mmasiku ga bumalikisyo, ku Lisiku lya Bulōngi. Bingi bimile nkati na panja, ikilo iki, bingi ba abēne bikuswiga, bingi bikwinogona, “Ngimba ikyene kyabwanaloli, pamo ngimba ikyene kikaya kyabwanaloli?”

⁹¹ O Gwasyēpwa kangi Tāta Nsayigwa, uswe tukusuma ukuti Ugwe lilino kunāngisya u lugano Lwako kwa uswe, ukwisila mbuboneko apa nu kutēdeka i Lisyu Lyako lyabwanaloli. Une njobile isya Lisyu Lyako, mumo Ugwe ubombile, Gwīmwene, kwa Kleopa nu mwinake gwake, ku Emmausi. Kangi pa nsebwe gwitu, Ntwa, bo uswe tukwēnda, Ugwe kuyoba kwa uswe ukwisila mu Lisyu Lyako. Kangi lilino isaga pakati pa uswe! O Nkulumba Kristi, isaga pakati pa uswe, sisimikisya a Masyu Gāko ukuya gabwanaloli, nu kunāngisya u Būndu Bwāko apa ikilo iki. Bo, uswe twe fipeligwa fipelakisa fisitakubagila tukulāta ukuti uswe twe batulanōngwa kangi basita kubagila ifya findu ifi, lōli uswe tukwītika ikyēne, Ntwa. Kangi ukwisila mu lipyana uswe tukwītisya ikyene, ukwisila mu lwitiko, ukuti uswe tupokigwe, kangi abana Bako. Sayaga uswe lilino, Ntwa.

⁹² Une mmenye i Lisyu Lyako lyo lyabwanaloli, akabalilo kako Ugwe gwayobile isya “unsololi nkaya kake mwene, pakati pa bandu bake mwēne.” Loli, Ntwa, une ngusuma, itolo ku kilo iki, ukuti Ugwe kwisakukēta pāsi itolo ku bāndu, nu kwināngisya Gwīmwene kamokene kangi apa nkaya aka, ukwisila mu kwēnda kwa Mbepo Mwikemo. O Gwāsyēpwa Kyala, sayaga uswe lilino bo uswe tukugūlila pa Ugwe. Nu kubōmba i findu ifi Ugwe gwābōmbile pabutasi bwa kukomeligwa Kwāko, kangi Jeffersonville isakuyaga kisita kimokyēne ikīndu ikya kwilūmbūsyā. Lōli, uswe tumenye ukuti abēne bisakuyaga kisita kulēya pa Lisiku lila, ukuti Ugwe gwibonisyē pabwelu Gwīmwēne. Mu Ngamu ya Yeso, une ngusuma. Ameni.

⁹³ [Ubuyo busitakandu pa tepi—Nsimbi] . . . komma iki umwēne ikulonda une ukummwiputīla. Umma, ikyene kikaya kansa, kabuno umwene abumbulusigwe ukufuma ku kila. Loli umwene ikulonda une ukwiputīla u lutamio lwa nyuma umwene alinalo.

Uko ko kotalusya. Ulwène lo lutamio mu nyuma yake. Ngimba uko kotalusya? Lilino ngimba ugwe kwitika Umwène asyúkile ukufuma ku bafwe? Lilino kétésya. Linga une nguyoba ku mwène itolo pakabalilo katalipo, lumo ikindukimo ikingi kisakuyobigwaga. Une ngamanya. Lilino, une ngaya nayo ifundo ukuti ulutamio lwako lo luki. Une ngamanya lilino iki ikyene kyáli. Muketile? Lōli ifyakusimbila filinakyo ikyène, ugwe ubagile ukusyāgania iki Umwène ayobile.

⁹⁴ Unko uswe tuyobe itolo i miniti indalipo, nu kukéta linga Umwène isakumbulaga une ikindukimo ikingi. Une nguketa unkikulu uyu ikuboneka ikindukimo pa lubatiko... Umwène yo nkikulu uyungi, kangi umwène ikwiputula umwène. Kangi umwene ali mu luko lumo lwa buyo-bwa-sikali pamo kipatala, ikyene kyo luko lwa... ikyene kyo buyo bwa basyūtano. Ikyene kyo Madison, Indiana. Ikyène kyo—ikyène kyo u—ikyène kyo u—u lilūmbūgo uyu ugwe kulōndela ulwīpūto, uyu ali mbuyo bwa basyūtano. Kangi linga ugwe kwitikaga ni ndumbula yako yosa, na fyosa ifi fili nkati mwa ugwe, Kyala isakumpokaga umwène, kangi isakumbulusyaga inyuma yako nu kukupela ugwe uyege kanunu. Ugwe kwitika ikyene lilino? Umma ndaga, isaga kuno.

⁹⁵ Gwempala Tāta Gwakumwanya, uswe tukusuma ukuti mu Ngamu ya Yeso Kristi, ukuti Ugwe kubumbulusyaga u nkikulu, kangi ukumpela umwene ukuya kanunu. Kangi paga ulu lusayo ku mwene. Kangi une ngusūma ukuti ifisa fya Kyala fisakwīgēmēsya pa mwène, nu kumbūmbulūsya umwène, nu kwēga u lwīmiko kwa Gwīmwène. Une ngwiputa mu Ngamu ya Yeso Kristi. Amen.

⁹⁶ Une mbagile ukuyoba iki. Kulipo ukusenyēnda kukwīsa ukufuma kula, ukufuma kulakula kunyuma kuno. Itolo gūlila kabalilo, ima apo itolo i miniti. Une nākētesisye u Lumuli lula lwākulekile ugwe. Balipo bīngi fiyo, bilūndike fiyo ukusyūngutūla une apa. Aligwēsa yo ikukwāba. Lōli une ngukéta Ikyène kikwēnda kwa ugwe. Ikyène yo munduyumo uyu... Ugwe uli nu—u bupanje bwakikikūlu bukwīsa pankyēni. Uko ko kotalusya. Une ngētīle babili pamo abāndu batatu bikuboneka, kangi u Bwēlu busemile kulakula kunyuma kula nukutika u mūndu yula imile palapala kunyuma kula. Ikyène kyo bala bikwiputūla ikyo. Muketile? Uko ko kotalusya. Kangi ugwe ulinakyo, ikyene kyo buyilo bwa nkikulu uyu ali nu bupanje bwakikikūlu. Uko ko kotalusya. Lilino bukaga nukwambilila ububumbulusyō bwinu, kangi u Ntwa Kyala atēndike ugwe ukuya kanunu. Amen.

⁹⁷ Ngimba ugwe kwisaga? Unkikulu, ngimba ugwe kwitika pa Ntwa Yeso? [Kalumbu ikuyoba, “Ena, nkulumba.”—Nsimbi] Ngimba ugwe kwitika ukuti Umwène asyusigwe ukufuma ku bafwe? Lilino, ukumanya ugwe, une ngakumanya. Une mbagile ukuti nakubwène ugwe linga ugwe kufumila kuno. Une ngamanya. Abāndu bikwisa nukubūka, une ngaya

ukusyūngutīla i kipanga apa ukufwana ukumanya. Loli, ugwe, ugwe ufumile ku kāya aka? [“Ena.”] Ugwe kufumila nkaya aka. Umma ndaga, polelo, loli une ngakumanya ugwe. Loli Kristi akumenye ugwe. Loli linga Umwene isakusetulaga kwa une, gwīmīle apa, iki ugwe uyīlīle apa, ngimba ugwe kwitikaga ikylene nukukyitikisya ikylene? Kangi ugwe umenye une ngamanya iki ugwe uyīlīle apa, ngaya nayo ifundo nayimo. Ikindu kyene, ugwe ubagile ukuti umbwene une ukusyūngutīla a kaya aka, pamo ikindukimo, pamo—pamo ikindukimo. Une ngamanya. Ikyo kyo kili kwa Kyala uku—uku manya ikyo.

⁹⁸ Kulakula kunyuma kula, ugwe kulōnda ukukilania ukumala lula ulutamio lwa mūnda ugwe uli nalo? Ngimba ugwe kwitika u Ntwa Yeso isakukupelaga ugwe uyege kanunu? Linga ugwe kwitika ikylene, ugwe ubagile ukuya nakyo ikylene.

⁹⁹ Uyūngi ali nu kubaligwa kwa lilopa ukunyali, itūgesye kunyuma kula, une mbabwene abene bikwega. Ngimba ugwe kwitika u Ntwa isakukupelaga ugwe uyege kanunu? Umma ndaga. Ngimba ugwe kwitika ni ndumbula yako yosa? Polelo ugwe ubagile ukuya nu bubumbulusyo bwako, Kyala akubumbulwisye ugwe itolo akabalilo kala. Ugwe umpalamasisye Umwene. Ugwe ukambalamāsīsyemo siku une, ugwe uli na mafiti malongo matatu ukufuma kwa une. Amenī.

¹⁰⁰ Lilino ngimba ugwe kwitika Umwēne asyusigwe ukufuma ku bafwe? Keta itolo, nu kuya mūmi, lilino akabalilo kako ulukindi lukusema. O, ikylene kyo kikafu fiyo kuno mu Jeffersonville! Ugwe...Kangi ikilundilo bo ulu mosa ukusyungutīla ugwe, aligwesa! Yeso alinkwega unnyambala pa kiboko, nukundongolela umwene panja pa kaya, akabalilo kamo.

¹⁰¹ Lilino keta kubwa kuno, kalumbu, akabalilo kanandi itolo. Itika ukuti u Ntwa Yeso ali papapa ukutula ugwe. Ugwe kukubilwa nu lutamio ulu luli mu kubunielo, kangi u ngānga akukētesisye ugwe. Kangi umwēne ākubūlīle ugwe ikyēne kyāli mūlu-ga-kubunielo. Une ngukukēta ugwe nūgwe kugela ukusema ukukilania i nyūmba, kangi ugwe kubūka nalōli polepole. Ugwe uli ni mbungo ya fifupa. Iyo yo ISI SYO IKUTI U NTWA. U ngānga āyobile ukuti ugwe kufīmibilisigwa ukupānjigwapo. Uko ko katikati kotalusya. Kangi une ngumbona umwēne ikusaina kala akanini akakādi kula ku bōfēsī bwāke: Rebekah Baker, 509 Graham Street. Uko ko katikati kotalusya. Ikyo kyo mbubombelambombo bwāke, pa busīmbe ubu. Uko ko kotalusya. Ngimba ugwe kwitika? [Ukalumbu ikuyoba, “Ena, nkulumba.”—Nsimbi] Polelo ugwe ubagile ukuya nu bubumbulusyo bwako. Mu Ngamu ya Ntwa Yeso Kristi, unkikulu uyu ali ambulilaga ulubumbulusyo. Amenī. Kyala akusaye ugwe, nkikulu. Bukaga, itikaga lilino. Yaga nu lwitiko mwa Kyala.

Linga umwe mwābagile itolo ukwāgània u Kuyapo kwa Ntwa!

¹⁰² Lilino unkikulu imile apa, ukuti ugwe ubagile... Une ngakumanya ugwe, na mumo une mmanyile. Ugwe ukammanya une, kangi une ngakumanya ugwe. Ngimba uko ko kotalusya? Umma ndaga. Polelo ugwe uli munduyumo uyu akammanya une, kangi une ngabamanya abene. Kangi une ngāmenye unkikulu uyungi. Loli unkikulu uyu nhesya mosa, mumo une mmanyile. Linga isyo syabwanaloli, fyusya ikiboko kyako, nkikulu. Akabalilo kītu kākwānda, siku ukwāganāmo mbūmi.

¹⁰³ Apa alipo unkikulu nu nnyambala. Itolo ikifwani ikimogi kya Mwikemo Yohani 4, kuko unkikulu nu Nnyambala bālyāgène; kangi u nkikulu āli gwa kiSamaria, Yeso āli n'Juda. Kangi abene balinkwanda ukuyoba kwa yumo nu nnine, kangi Yeso alinkusetula isyakubutītu sya ndūmbūla yāke kangi alinkundeka umwēne amanye kūko ulutamio lwāke lwāli. Lilino, linga Umwēne yo Yeso yulayula umwisyugu, Umwēne abagīle ukubomba imbombo yilayila umwisyugu.

¹⁰⁴ Linga unkikulu uyu isakufyusya ikiboko kyake kwa Kyala, komma ukulapa (panongwa yakuti, uswe tutikwitika mu kubomba icyene), itolo fyūsya ikiboko kyāke mu bwānalōlī-ndūmbūla, ni kyāngu, ukuti uswe tukubonanamo siku yumo nu nnine pabutasi, nukumanya nakimo ikya yumo nu nnine. Ngimba ugwe kufyusyaga ikiboko kyako, nkikulu? Mwaketa lelo umwe. Umwēne akambonamo siku une, pamo une ngammbonamo siku umwēne, kangi umwēne nhesya mosa. Lilino linga alipo...

¹⁰⁵ U Kuyapo kwa Ntwa Yeso kuli apa. Linga unkikulu uyu mbine, une ngābagile ukumbumbulusya umwēne. Umwēne atalile abumbulusigwe; Kristi aalimbumbulwīsyē umwēne akabalilo kako Umwene afwīlile umwēne. Ngimba umwe mukwitika ikyo? Loli linga Umwēne imaga apa lilino, ni... pāpo une nīmīle, kangi Umwene āngāli, ābagīle ukusetula ku mwene, pamo ukubomba ikindikimo ukutwala u lwitiko lwake kukufikapo! Lilino, umwēne abagile ukwima apa panongwa ya lutamio lwahela. Umwēne abagīle ukwīma apa mu lutamio lwa ku kāya. Umwēne abagīle ukwīma apa, ikufwa na kansa. Umwene abagile ukwima apa na TB. Une ngamanya. Une ngabagila ukubabula umwe.

¹⁰⁶ Kangi lilino linga ugwe kulonda ukwibika gwimwene mbuyo bwangu, isaga apa nukwegā ubuyo bwangu, umwe mukwambililigwa. [Nkundwe Branham ikwīmīka—Nsimbi] Naloliloli. Kangi une ngamanya, nine ngabagila ukubomba icyene. Loli Kyala gwa ku Mwanya amenye. Ngimba umwe mubagile ukupilikisya lilino?

¹⁰⁷ Kangi linga Kristi ikubomba ikindu kilakila apa, u Bwanaloli busitakutoligwa, bo mumo Umwene asyusigwe

ukufuma ku bafwe, kangi asisimikisye ukuti Umwene yo Yeso yulayula uyu āyobile ku nkikulu pa kisiba, balinga muno bikuyoba, “Une ngwambililaga Umwēne lululu ulu ukuya Mbumbulusyi gwangu, pamo kilikyosa iki une ndinakyo ikyakulondigwa”? Fyusya ikiboko kyako, yoba, “Une ngwambililaga Umwēne linga Umwēne ikubombaga ikyo.”

¹⁰⁸ Unkikulu na maboko gake mmwanya, uswe tukaganamo siku. U Ntwa paga ikylene, lo lwiputo lwangu. Lilino u nkikulu ikuboneka ukuya ikusema ukufuma kwa une; linga ikilūdilo kibagile ukutega amasyu gāngu. Une nguketa umunduyumo imile. Ikyene kikaya kya yumwene, fiyo. Umwene ikwiputula umunduyumo uyungi, kangi uyo yo nkikulu unkusi. Umwene yo mama gwake, umwene ikwiputula. Isyo syabwanaloli. Umwēne ali nu bunini butikigwa bwa ndumbula, ukupepeluka kunini kwa ndumbula, ngati. Umwene akabagila ukugona utulo pa kilo. Ngimba uko kotalusya? Fyusya ikiboko kyako linga isyo syabwanaloli. Kangi unkikulu yula akaya gwa kisu iki. Unkikulu yula ali kubutali ukufuma kuno. Unkikulu yula ikufuma ku Georgia. Uko ko katikati kotalusya. Kangi ugwe ufumile ku Georgia. Kangi ugwe kulonda ulwiputo kuli ifisige fyako, nugwe. Ugwe kuyaga mfwamaso mmaso gako. Kangi isyo syabwanaloli. Ngimba ugwe kwitika Kyala isakukupelaga ugwe uyege kanunu? Linga ikyo kyo kyabwanaloli, fyusya ikiboko kyako. Umma ndaga.

¹⁰⁹ Lilino ngimba umwe kwitika? Lilino yaga nu lwitiko mwa Kyala. Akabalilo kako une ngumwiputula umwene, iputula gwimwene panja pala, kangi itikaga Kyala. Umwene ali apa, njepoposa.

Isaga apa, kalumbu.

¹¹⁰ Nsayigwa Mpoki, une ngusuma ukuti, mu Ngamu ya Kristi, ukuti Ugwe kupaga ku nkikulu uyu ikinyonywo kyāke. A Maka ga Mwenemaka Kyala galigemekesyāga pa mwēne, kangi umwēne alibūmbulusigwāga nu kwēga kilikyōsa iki umwēne āsūmile. Une ngusuma ulusayo ulu mu Ngamu ya Yeso. Ameni.

¹¹¹ Lilino bukaga, sekelelaga, kangi nhobokāga. Kangi itikaga, kalumbu, kangi yaga kanunu. Umma ndaga.

¹¹² Une ngaya nsisimikisye, loli une ngwitika une mmenye unkikulu uyu. Une ngwitika ugwe ufumile ku Georgetown, panongwa yakuti une ne. . . Ngimba ugwe ukaya nkamu gwa Nkundwe Arganbright? Ena, lilino u bupakigwe ubu, ubwēne bo bukīndēne. Ugwe kusyāgānia ukuti bulipo ubukindane papapa lilino. Akabalilo kāko une nguyoba kwa ugwe kubuyobumo ubūngi; ikyēne kyo kikīndāne lululu lilino. Ugwe kwīpilika ubwīpilike ubwīkyēle bwānalōlilōli, ngati. Umwēne yo Mbepo Mwikemo. Ugwe ukaya apa pa gwimwene mma. Ugwe uli apa panongwa ya munduyumo uyungi, kangi uyo yo ndindwana unnini ukufwana ifyinja fina pamo fihano mbukusi. Umwēne

ali nu lutamio lwa figo, kangi umwene ikwītūgàla mu Indiana kululu. Ikyo kyo kyabwanaloli. Ikyo iki ugwe uli nakyo nkiboko kyako, ntuma ikyēne ku mwēne, kangi umwēne isakutendekigwaga ukuya kanunu. Itikaga ni ndumbula yako yosa lilino, kangi ambulilaga iki ugwe usumile, mu Ngamu ya Kristi.

“Linga ugwe ubagile ukwitika, fyosa ifindu fibagile!”

113 Apa alipo unkikulu uyu nhesya kwa une. Une ngakumanya ugwe, ngakubonamo siku mbumi bwangu. Uswe twe bahēsya kwa yumo nunnine, ifyīnja fingi ukulekana; lumo fīngi, tupāpigwe amamailosi mīngi ukulekana. Une ngakumanya ugwe, ngakubonamo siku ugwe. Loli Yeso Kristi akumenye ugwe.

114 Ikindukimo kyābonīke mu kilūdilo; u nnyāmbàla ābonīke kifuki na une. Apa umwēne itūgēsye, papapa apa, ikimbwēla ikipufukano. Ngimba ugwe kwitika, nkulumba? [Unkundwe ikuyoba, “Ena.”—Nsimbi] Polelo Kristi ikukubumbulunya ugwe nukukupela ugwe ukuya kanunu! Ameni.

115 Iyo yo njila iya kubombela ikyene, itika! Ngimba umwene aabombile fiki? Une ngambonamo siku u nnyambala; loli umwene abumbulusigwe palapala pala. Umwēne ālīmpalamasīsye u Ntwa Yeso Yūyo yo alipo apa. Sōsyāpo ubusitalwītiko bula ukufuma kwa ugwe! Ibwa isya une ukuya William Branham. Keta kwa Yeso Kristi, Umwene yo Yuyo uyu ali apa. Une ngulukanikana u lwitiko lwinu, mu Ngamu ya Kristi, ibwa isya une; nu kwitika ukuti uyu yo Ntwa Yeso apa, kangi kēta iki kisakuboneka. Une ndikupasya kuko ugwe guli mu nyumba.

116 Lilino apa alipo unkikulu unnini. Une ngambonamo siku umwene. Umwene nkusipo ukukinda une. Umwene, une ngamanya uyu umwene ali, kuko umwene afumilaga, nakimo ukufwana nu mwene. Une ndinhesya mpēlelēnye ku mwēne. Loli Kristi ammenye umwēne.

117 Linga Umwene isakusetulaga kwa une iki ugwe uli apa, ngimba ugwe kwisa kwambulilaga ikyene nukwitika ikyene? [Unkikulu ikuyoba, “Naloliloli.”—Nsimbi] Ugwe gwali nu bwipilike ubunyegele amaminiti manini aga gakindilepo, akabalilo kako une njobile ikindukimo, bule ugwe? Umwēne aali kalumbu gwako uyu ali mu nyumba ya basyuta’ntu mu Madison, Indiana. Uko ko kotalusya. Kabuno, unkikulu uyungi ālimile apa, kangi ugwe gwālimile pala kuketa kulakula ukukilania ku njila iyi. Kangi i mboniboni, ugwe gwāli kwitika akabalilo kākō ugwe kufyukaga mmwanya. Uko ko katikati kotalusya. Ikyo kyo iki kibōmbile ikyene. Kangi i nongwa ugwe uli apa ikilo iki, yo nongwa yakuti ugwe uli nu lutamio lwa ndumbula. Ugwe itolo ufumile pakuya nu kusīganiligwa kwa ndumbula. Uko ko katikati kotalusya. Kangi une nguketa lilino, mumo une

ngukètela mu mboniboni, ukuti ikisu kyafyāmba. Ugwe ufumile ku buyo bumo apa mu bwitongo bwa Indiana. Ugwe ufumile kifuki ku Corydon, kula ko kũko ugwe ufumileko. Gomokelaga ku kāya, ugwe uli kanunu. Yeso Kristi ikukupela ugwe uyege kanunu. Uyo yo ISI SYO IKUTI U MBEPO MWIKEMO.

¹¹⁸ Yaga nu lwitiko, kangi itikaga. Komma ukwilamwa. Itikaga itolo. Ngimba umwe mubagile ukubwagania ubuyepo-pōsa bwa Ntwa Yeso? Bo buswigisye buki! Ngimba kitamisye kyo fiki?

¹¹⁹ Ukukilania apa mu nguto, une nguketa imboniboni. U ngānga atikumanya kali ikyene yo kansa pamo TB. Uko ko kotalusya. Loli linga ugwe kwitika ikyene, ugwe ubumbulusigwe, mulimosa. Ulwitiko lwako lupokile ugwe, nkikulu.

¹²⁰ Mwaketa lelo umwe. Ubuyepo-pōsa bwa Kyala gwabumi! Une ngusasania ulwitiko lwinu. “Linga ugwe ubagiile ukwitika!” Lilino, Umwēne asyũkile ukufuma ku bafwe. Umwēne ali apa na uswe. Uyo yo Mwēne! Ifyo fyo findu filafila Umwene ábombile akabalilo kako Umwene áli apa pa kisu. Ifyinja maelifu mabili fikindilepo, Umwēne akáli mūmi, kangi Umwēne yo mūmi kwa bwilanabwila. Itikaga itolo, yaga nu lwitiko.

¹²¹ Une ngakumanya ugwe, nkikulu. Une ngakubonamo siku mbumi bwangu, ngamanya nakimo ikya ugwe. Ikyo kyo kyabwanaloli, bule ikyēne? Yeso Kristi akumenye ugwe. Linga Kyala isakusetulaga kwa une iki ugwe uli apa, ngimba ugwe kummwitikaga Umwene, kangi kwitikaga une ukuya nsololi Gwake? Linga Umwene ikubombaga ikyo, umwe mumenye i Kindukimo kili na une mbakigwe. Ugwe kufimbilisigwa ukumanya ikyene kyo Kila. Lilino linga une njobile, “Une ngubikaga a maboko gangu pa ugwe, ubumbuluke,” ugwe ubagile ukuya nu bwabuke ukwilamwa ikyo. Loli linga Kyala ikumbula une ikindukimo iki ugwe umenye ukuya bwanaloli, polelo ugwe umenye kali ikyo kyo bwanaloli pamo mma. Ngimba ikyo kitalusye? [Ukalumbu ikuyoba, “Uko ko kotalusya.”—Nsimbi] Ikyene kyo kyakufuluganikana kyākikikũlu. Kipānjigwe, une ngukēta ugwe kwisa ukufuma i mēsa ya bupānjilo, ni kindukimo ikyēlu pamwanya pa kisyo kyāko, lōli ubwēne bukāli bupōnjōli mma. Uko ko kotalusya. Lōli, u mōhesi yula alinkufisa ukufuma ku ngānga, loli ikyene kikabagila ukwifisa ukufuma kwa Kyala. Bukaga kukaya, nu kuya kanunu, nkikulu, Yeso Kristi akubumbulwisye ugwe nu kukupela ugwe uyege kanunu.

Linga ugwe ubagile ukwitika!

¹²² Une ndinhesya kwa ugwe, nkikulu. Ngimba ugwe kwitika Yeso Kristi, u Mwanundumiana gwa Kyala, ali apa? Ngimba ugwe kwitika Umwene ikukupelaga ugwe uyege kanunu? Mbungo ya sukali yo nakimo, kuli Kyala ukubumbulusya.

Ngimba ugwe kwitika Umwene ikukupelaga ugwe uyege kanunu? Polelo bukaga kukaya nukwambilila ububumbulusyo bwako, mu Ngamu ya Yeso Kristi, Mwanundumiana gwa Kyala. Ameni.

Isaga, nkikulu nnini. Ngimba ugwe kwitika?

¹²³ Lilino leka ukwĩnogòna ikyo kunyuma kula! Ikyēne kikaya bulagusi bwa pabutali mma. Ugwe ukabagila ukulekigwa itolo ni kyēne lilino! Unko une ngunāngĩsye ugwe:

¹²⁴ Une ngamanya unkikulu uyu. Bika amaboko gāko pa gāngu, nkikulu. Linga Kyala isakusetulaga kwa une iki kyo lutamio lwako, une nguketa injila *iyi*, ugwe umenye une ndikubala ilinogono lyako mma, linga Kyala isakusetulaga kwa une iki kyo lutamio lwako, ngimba ugwe kummwitikaga Yeso Kristi yo Mwanundumiana gwa Kyala, kangi une ndi ntumigwa Gwāke? Linga ugwe kulonda, fyusya ikiboko kyako. Ugwe uli nu lutamio lwa bukikulu, ulutamio lwa nkikulu. Uko ko kutalusya. Ugwe nalōli gwāli nalo; ugwe ukaya nalo lilino. Ugwe ubumbulisigwe. Buka pa nsebwe gwako, nu kusangaluka nukuya nsangalufu.

¹²⁵ Isaga, nkulumba. Ulutamio lwa lufigo lwayiolo, kangi ikindikimo kikukutamia ugwe. Ngimba ugwe kwitika Kyala ikukupelaga ugwe uyege kanunu? [Unkundwe ikuyoba, “Ena.”—Nsimbi] Kwitika ugwe isya ikyene? Polelo, mu Ngamu ya Yeso Kristi, ambililaga ububumbulusyo bwāko, nukukindilila pa nsebwe gwako, kusangaluka. Ameni. Kyala akusaye ugwe, nkundwe.

Itika!

¹²⁶ Mubombile ndaga, nkikulu? Ngimba ugwe ukabagila ukulonda ukubuka, ukulya ikyākulya ikinunu kangi mumo ugwe gwabombelaga? Ugwe ufumile pakuya mōsa gwalutēnde, bule ugwe? Kipelile amūlu gamūnda ukuya mūnda mwāko. Būka, kīyēgèle gwīmwène u nkati gwa ngulube kangi ilya ikyēne, Yeso Kristi akutēndīke ugwe ukuya kanunu. Ugwe kindililāga pa nsebwe gwāko, sangalukaga.

¹²⁷ “Linga ugwe ubagile ukwitika!” Yaga nu lwitiko mwa Kyala. Ngimba umwe mukwitika? U gwabūmi, gwamakagosa Kristi ali apa lilino, ukumbumbulusya umūndu aligwesa nkati muno.

¹²⁸ Itolo a kabalilo. Kubutali kunyuma pāsi pa lukīndi, itūgēsye palapala pāsi apa, itūgēsye u nnyāmbāla untubwa. Ulwitiko lwako lo lukulumbapo ukukinda mumo ugwe gwinogwine ugwe gwaalinalo, mwanundumyana. Ugwe gwaali nu lutamio lwa ndumbula, bule ugwe? Linga isyo ndalusye, ima pa malundi gāko. Yeso Kristi akubumbulwisye ugwe, mwanundumiana. Ugwe uli kanunu. Bukaga pa nsebwe gwako, kangi yaga kanunu.

¹²⁹ Ngimba ugwe kwitika Umwene? Yaga nu lwitiko mwa Kyala.

¹³⁰ Apa alipo unnyambala une ngamanya. Uswe tuli bahesya yumo kunnine. Une ngwitika unnyambala uyu alyosigwe

ulubunju ulu. Loli une ngakumanya ugwe, komma ukuya ni fundo nayimo isya ugwe. Ngimba uko kotalusya? Linga Yeso Kristi ikusetulaga kwa une iki ugwe gwĩsile apa, ngimba ugwe kwisa kukyitikisya ikyene?

¹³¹ Balinga nkilũndĩlo bisakwãmbililága ikyēne lululu lilino? “Linga ugwe ubagile ukwitika!” Yaga itolo nu lwitiko. Komma ukwilamwa.

¹³² U nnyambala ali nu lutamio lwa kipapa. Uko ko kotalusya. Kangi une ngukéta ugwe kwisa kuya. . . Ikyene kyo lutamio lwa kisene, lōpe. Uko ko kotalusya. Linga ikyene kyo kili, yugānia ikiboko kyako. Kangi une nguketa ikindukimo ikititu kimile pakati pa ugwe nu nkikulu; ikyene yo nkasigo. Ugwe kwiputula umwēne. Umwēne yo ntulwanongwa, kangi ugwe kulonda umwene ukuya Nkristi. Ikyo kyo ISI SYO IKUTI U NTWA. Uko ko kotalusya. Bukaga, bika amaboko gāko pa mwene, nu kummwiputula umwēne, ukuti Kyala mu Mwānya isa kusetula ubununu bwa fĩndu ifi ifi fyo fyānalōli.

¹³³ Ngimba ugwe kwitika? Ngimba ugwe kwitika ukuti Kyala ikubombaga ikyene? “Linga ugwe ubagiile ukwitika!” Une ngusasania ulwitiko lwinu. Kubutali kunyuma kula kunyuma, kulikosa kuko umwe muliko, keta nu kuya mūmi! Yaga nu lwitiko mwa Kyala, kulikosa kuko ugwe uliko. “Linga ugwe ubagile ukwitika, fyosa ifindu fibagile.” Linga ugwe ubagile ukwitika! Kētésya, kēta injila iyi, ipūta.

Ugwe kuyoba, “Ngimba ugwe kukētésya fiki, Nkundwe Branham?”

¹³⁴ Rebekah, gomokela i njila iyi panini, lūki. Ima palapala pāpo ugwe ulipo. Pala alipo u ndindwana gwāngu unnini, uyu ilisiku limo isakuyaga nsololi-gwakikĩkũlu, yópe. Unkikulu yula imile pala kifuki na ugwe, luuki, ni kitili ikyelu afwele, umwēne ikukubilwa nu lutamio lwa kipungo ikisitakumalika. Fyusya ikiboko kyako, pamo ima pa malundi gako, nkikulu. Ugwe kwiputa ukuti Kyala ikukōlelaga, ikwītikisyauga une ngukōlelege ugwe. Ngimba uko kotalusya? Unko undindwana gwangu unnini alambalike amaboko gake pa ugwe pala.


O Gwasyēpwa Kyala, mu Ngamu ya Yeso Kristi, une ngukemela ilisyētáno ili likutamia unkikulu yula. Kangi unko ikyēne kisōsigwèpo, mu Ngamu ya Kristi. Amenii.

¹³⁵ O, yisayigwege i Ngamu ya Ntwa! Untwa Yeso alisetulaga Mwene, yope. Ngimba umwe mukwitika Umwēne ali apa? Polelo unko une mbabule umwe, aligwesa gwa umwe, lululu ulu, linga umwe mubagile ukwitika ikyene, Yeso Kristi ikupela aligwesa gwa umwe ukuya kanunu, lululu lilino. Linga amasyu gangu gābwānalōli *apa*, agene go gabwanaloli *kula*. Linga umwe mukubombaga iki une ngubabula umwe ukubomba, umwe mubagile ukubumbulusigwa lululu lilino. Ngimba umwe mukwitika ikyene? Polelo bika amaboko ginu yumo pa mnine.

Bika itolo amaboko ginu pamwanya pa yumo nu naine, nkati pamo panja. Komma ukwilamwa! Une mbilike u mbepo gwamapuli asookilepo. Apa Umwene alipo, u Kristi unsyuke!

¹³⁶ O Gwasyēpwa kangi Nsayigwa Kyala, mu Ngamu ya Ntwa Yeso, une ngukanika imbepo inyali yiliyōsa, mu Ngamu ya Kristi u Ntwa, ukuti icyēne kisakusōkapo pa buyo ubu, ukusōka panja pa bāndu aba. Kangi u Mbepo Mwikemo unkulumba lilino ali osyaga aligwesa muno, nu lwitiko ulukulumba ukwitika.

¹³⁷ O, Sētāno, ugwe lisyētāno, ugwe usyōbile uswe nubutali ukufwāna. Kristi asyusigwe, Umwene imile apa ni fungulilo sya bufwe na gehena situlikigwe pa Mwene. Amaka ga bubumbulusyo gahombigwe. Kangi uswe tukukufimbilisya ugwe, ukwisila mu Ngamu ya Yeso Kristi, u Mwanundumiana gwa Kyala gwabumi, ukuti ugwe sokapo ukufuma pa bandu aba. Sókamo ukufuma ku bene, Sētāno, ukuti abene bikubukaga nukupeligwa ukuya kanunu.

¹³⁸ Linga ugwe kwitika ni ndumbula yako yosa, ukuti Yeso Kristi akubumbulwisye ugwe, ima pa malundi gako, nu kwitikisya Amaka Gabunyakyala ga Kyala Mwenemaka. Apo po loli! Ntufye u Ntwa! Sayaga u Ntwa! Umwe muli, aligwesa, mubumbulusigwe. Ima pa malundi gīnu, nukumpa Kyala ulutufyo! Ameni! Yisayigwege i Ngamu ya Ntwa! Unko uswe tumpe Umwēne ulutufyo, bo uswe tukufyusya amaboko gitu nukuntufya Umwēne. Sayaga u Mwanundumiana gwa Kyala gwabumi! Ameni! 

57-0421E Kangi Ifisiḡe Fyābo Filinkwīḡuka
Kangi Abēne Balinkummanya Umwēne
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org